

# METHODUS

S E R V A N D A

IN CONGREGATIONE HEBDOMADALI,

Quæ singulis sextis Feriis habetur  
in S. Metropolitana Ecclesia  
Beneventana, & Preces in  
ea recitandæ.



B E N E V E N T I,

---

Ex Typographia Archiepiscopali 1734.  
*Superiorum facultate.*

# THE SOCIETY OF THE FUTURE



THE  
SOCIETY OF  
THE  
FUTURE

3

Absolutis Vesperis cum Completorio, & coacto  
Clero in Sacello Ecclesiæ Metropolitanae,  
procedendum venit infrascripto modo,  
pro quo rectè servando subsequitur  
præsens Instructio.

I. **L**egatur aliquid alternativè ex Epistola  
S. Caroli Borromæi Archiepiscopi Medio-  
lanen. pro Confessariis, & ex Opusculo  
P. Pauli Segneri Soc. Jesu, cui titulus: Il Con-  
fessore Instruito, quæ lectio fiat spatio medii  
quadrantis horæ, in quo sensus perficiatur.

II. Deveniat ad lectionem & decisionem.  
Quæsti propositi, quæ decisio non excedat dimi-  
diam horam. Contra ipsam decisionem duo ex  
congregatis sorte extrahendis debent arguere. Eo-  
rum extractio fiat post lectionem casus futurae  
Congregationis. Post solutas objectiones datur li-  
centia omnibus arguendi.

III. Deinde fiat praxis Rubricarum publicè  
expositarum pro omnium beneficio, & præsertim

1. De Missa solemni,
2. De Missa privata,
3. De Absolutione, & Exequiis Defunctorum,
4. De Benedictionibus Candelarum, Cinerum,  
& Palmarum,
5. De Administratione Sacramentorum Bap-

tismatis, Ss. Viatici, & Unctionis Extremae.

IV. Peracta Rubricarum praxi, fiat explicatio moralis concionatoria super textu Evangelii currentis per spatium medii quadrantis, peragenda a sorte extracto in antecedenti Congregatione.

V. Ultimo die Veneris cujuslibet mensis, habita solita lectione Epistolæ S. Caroli, vel P. Sengeri ut suprâ num. I. procedatur ad exercitium Confessionis inter Pœnitentem & Confessarium, jam in præcedenti Congregatione destinatos. Qui Pœnitens confiteatur de rebus practicis, nempe de Blasphemia, vel de Furto, vel de Detractione famæ proximi, & de aliis peccatis ad dicta vitia pertinentibus. Confessarius autem respondeat Pœnitenti, proferendo judicium suum circa peccata confessa. Hæc confessio perdurare debet spatium trium quadrantium circiter: & datur cunctis licentia sic fîcte confitendi.

VI. Quibus omnibus ut suprâ expeditis, completur Congregatio cum gratiarum actione.

## ANTE CONGREGATIONEM.

H T M N U S.

**V**eni, Creator Spiritus,  
Mentes tuorum visita,  
Imple superna gratia,  
Quæ tu creasti, pectora.

Qui

Qui diceris Paraclitus,  
Altissimi donum Dei,  
Fons vivus, ignis, Charitas,  
Et spiritalis unctio.

Tu septiformis munere,  
Digitus Paternæ dexteræ,  
Tu rite promissum Patris  
Sermone ditans guttura.

Accende lumen sensibus:  
Infunde amorem cordibus;  
Infirma nostri corporis  
Virtute firmans perpeti.

Hostem repellas longius,  
Pacemque dones protinus;  
Ductore sic te prævio  
Vitemus omne noxium.

Per te sciamus da Patrem;  
Noscamus atque Filium,  
~~Teque~~ utriusque Spiritum  
Credamus omni tempore.

Deo Patri sit gloria,  
Et Filio, qui a mortuis  
Surrexit, ac Paraclito,  
In seculorum secula. Amen.

℣. Emitte Spiritum tuum, & creabuntur.

℟. Et renovabis faciem terræ.

℣. Ora

℣. Ora pro nobis sancta Dei Genitrix.

℞. Ut digni efficiamur promissionibus Christi.

℣. Memento Congregationis tuæ.

℞. Quam possedisti ab initio.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum spiritu tuo.

# OR E M U S.

**D**Eus, qui corda fidelium sancti Spiritus illuminatione docuisti: da nobis in eodem Spiritu recta sapere, & de ejus semper consolatione gaudere.

**C**Oncede nos famulos tuos, quæsumus Domine Deus, perpetua mentis & corporis sanitate gaudere: & gloriosa beatæ Mariæ semper virginis intercessionem, a præsentis liberari tristitia, & æternæ perfrui lætitiæ.

**A**ctiones nostras, quæsumus Domine, aspi-rando præveni, & adjuvando prosequere: ut cuncta nostra oratio & operatio a te semper incipiat, & per te cœpta finiatur. Per Christum Dominum nostrum. ℞. Amen.

610.7

6634 6634

POST

## POST CONGREGATIONEM.

7

V. Confirma hoc Deus, quod operatus es in nobis.

R. A templo sancto tuo, quod est in Jerusalem.

Agimus tibi gratias omnipotens Deus pro universis beneficiis tuis : qui vivis & regnas in secula seculorum. R. Amen.

### PLANCTUS B. M. VIRGINIS.

**S**Tabat Mater dolorosa  
Juxta Crucem lacrymosa,  
Dum pendebat Filius.

Cujus animam gementem,  
Contristatam & dolentem  
Pertransivit gladius.

O quam tristis & afflicta  
Fuit illa benedicta

Mater Unigeniti !

Quæ moerebat, & dolebat,

Pia Mater dum videbat

Nati poenas inclyti.

Quis est homo qui non fleret,

Matrem Christi si videret

In tanto supplicio ?

Quis non posset contristari,

Christi Matrem contemplari

Dolentem cum Filio ?

Pro

Pro peccatis suæ gentis  
 Vidit Jesum in tormentis,  
 Et flagellis subditum.  
 Vidit suum dulcem Natum  
 Moriundo desolatum,  
 Dum emisit spiritum.  
 Eja Mater fons amoris,  
 Me sentire vim doloris  
 Fac, ut tecum lugeam.  
 Fac ut ardeat cor meum  
 In amando Christum Deum,  
 Ut sibi complaceam.  
 Sancta Mater istud agas,  
 Crucifixi fige plagas  
 Cordi meo validè.  
 Tui Nati vulnerati,  
 Tam dignati pro me pati,  
 Poenas mecum divide.  
 Fac me tecum piè flere,  
 Crucifixo condolere,  
 Donec ego vixerò.  
 Juxta Crucem tecum stare,  
 Et me tibi sociare  
 In planctu desidero.  
 Virgo virginum præclara,  
 Mihi jam non sis amara,  
 Fac me tecum plangere.

Fac



Fac ut portem Christi mortem,  
 Passionis fac consortem,  
 Et plagas recolere.

Fac me plagis vulnerari,  
 Fac me Cruce inebriari,  
 Et cruore Filii.

Flammis ne urar succensus,  
 Per te Virgo sim defensus  
 In die Judicii.

Christe, cum sit hinc exire,  
 Da per Matrem me venire  
 Ad palmam victoriæ.

Quando corpus morietur,  
 Fac ut animæ donetur

Paradisi gloria. Amen.

V. Ora pro nobis Virgo dolorosissima.

R. Ut digni efficiamur promissionibus Christi.

V. Dominus vobiscum.

R. Et cum spiritu tuo.

# O R E M U S.

**I**Nterveniat pro nobis, quæsumus Domine,  
 Jesu Christe, nunc, & in hora mortis  
 nostræ apud tuam clementiam beata virgo  
 Maria mater tua, cujus sacratissimam animam  
 in hora tuæ passionis doloris gladius per-  
 transivit. Qui vivis & regnas in secula se-  
 culorum. R. Amen.

V. Divinum auxilium maneat semper nobiscum.

R. Amen.

